

Galatia

¹ Ic onarunec me ic méjnéh zéyec niḡac qahac, néḡ Yesu zéma i humuc igucnec meqelimiyeac Anutu maḡoc iereḡ méli néḡu hahaya Yesuac Méliméli ic Paulo neḡ imi ² ninzéh ninzéh dacmuna hécna moczoḡ niguc keczu iniguc momacnec hénaoriḡ Galatia baeciguc kecma kenzu onac muru ³ neḡaḡ Anutu maḡocnina zéma Miḡ Kewunina Yesu Kristo iorarunec ewa hia zéma luaenéh hama he énécmimac niḡac wanzḡ. ⁴ Kristonéh Anutu neḡaḡ maḡocninawac ewa siḡa méndacma neḡaḡ baec yomuac hicḡisai biria yomuacnec metecgé nénécmimaḡ zé képésicnina niḡac wamma eḡeya séwi kekecyā wai nénécmiyec. ⁵ Imuac iwac muru edamuya teteḡgia qahac hema emma hema kecmac. Hélacnec!

Buḡa suruc hiabia imi méḡ ménda hezac.

⁶ Ini Anutunéh Kristoac ewa hiayaiguc un-uruma énépésiyec, waḡu ini focnec i waima ackuazéc tanera méḡiguc kendaczu imuac niḡ welicgé énécmizua. ⁷ Waḡu imi buḡa suruc hiabia méḡ ménda wanzac, néḡ ic tosia ieneḡ mesoho énécmima Kristoac buḡa suruc hiabia imi zébirigic tanera méḡ waḡanzac. ⁸ Waḡu neneḡ

me kua meme uŋa méŋ kurumenŋ igucnec ha-hayanéŋ buŋa suruc hiabia énézéyiŋ imi mesohoma méŋac énézémaciguc imi saecginaguc wandacmac. ⁹ Walac énézéyi imuacnec mia deguc muŋguc énézézia. Méŋnéŋ méŋ buŋa suruc hiabia walac nimma késagic imi qahac, néŋ méŋac énézémaciguc imi saecyaguc wammac.

¹⁰ Ni degucmi icnéŋ niŋgic sécgémac niŋac wanzua me Anutunéŋ niŋu sécgémac niŋac wanzua? Ni ic ienenŋ welicgé némmu niŋac zézua me? Ni ic ienenŋ niŋgic sécgémac niŋac zéwinec imi Kristoac welenŋ qeŋe icya héla ménda wambinec.

Anutunéŋ Paulo dimuhuc héihéré miyec imuac suruc.

¹¹ Dacmuna hécna, enenŋ niŋtecgicmu niŋac énézézia, buŋa suruc hiabia zéauanzua imi ic méŋac ewa siŋ méndacmimia qahac. ¹² Imi mia ni ic méŋac murunec ménda meyi me ic méŋnéŋ ménda ku néŋec, néŋ Yesu Kristo eneyaoc measari néŋu iwarunec meyi.

¹³ Ni becneŋ Yuda ic ionac héná tima kerimuaru, ini niŋgic ésécneŋ Anutuac hénáorinŋ réwérianec ununesi waŋ énécmima mebiri énécmiyi. ¹⁴ Waŋu ni imi yawuŋ momachéna sasala onogicma Yuda ic ionac héná imi selianec ninzéŋgéma yanda hécninawac ac pakenŋ mératéc memeya imuac seliseli wamma méndacaŋi. ¹⁵ Waŋu neŋgocnawac héri qeri igucnec gésinémma ewa hiaya niŋac wamma héihéré néŋec inéŋ mia ¹⁶ Naŋawac héná imi ic enia ionac muru zéau énécmimaŋ niŋac, i ewa qerinaiguc ewa hía nimma mihicŋi néŋec nalé

imuaru, ni baec ic iniguc ménda eminiñi. ¹⁷ Wañu ic walac hénima Yesuac Méliméli ic ai megic ionac inicmanñ zé Yerusalem ménda kenji, néñ moczonñ Arabia baeciguc kemmaguc Damasiko amaiguc lilingéma kenji.

¹⁸ Imuacnec kecma yawuñ haréwéc tecgéyu Petero (Kefa zémimia) hémmanñ zé Yerusalem ekemma i guc momacnec ai meme 15 keri. ¹⁹ Wañu nalé imuaru Yesuac Méliméli ic tosara ménda iniri, néñ Miñ Kewuninawac munaya Yakobo iwacnec héñi. ²⁰ Héngic, ni onac niñ wamma kiwi ozua yomi imi ikoc qahac. ²¹ Imuac andiaiguc Siria zéma Kilikia baec keremba ²² Kristoac hénarorñ Yuda baeciguc keczu ienenñ becnecc kic tanecna ménda héngic, néñ ²³ ic ménñ nunuhéi wañec iminénñ deguc ninzénñ ninzénñ walac qeténgémanñ zé wañañec imuac mia deguc zéaukeczac imuac sac zégic niñgic. ²⁴ Nimma nuac niñac Anutu mepésigic.

2

Yesuac Méliméli ic ienenñ Paulo anjétimea tétéccgémigic.

¹ Ai yawuñ 14 tecgéyu neñ Banabaguc Tito wagicma munñguc Yerusalem ekenññ. ² Imi mia Anutunénñ nézéyu hémma ekemma buñña suruc hiabia ic enia ionac sugginaiguc zéauaññi imuacnec énézéyi. Énézéma aina memaññac hezac imi zéma walac meyi imi momacnec héla qahac ménda wambac niñac qacgina kenkenña ionacnec sac énézéyi. ³ Wañu Girik ic Tito niguc momacnec kerec i acguc séwi tasia héricmac niñac ménda

zénanǵémiyi. ⁴ Imi mia dacmuna ikora tosara éléǵnec harégic ionac niǵac imuhuc waǵi. Ieneǵ imi Kristo Yesuac qeriaiguc hulacamuma kecziǵ imi kowu ninicma acnéǵ qaténénécmigic welen qeénécmiwiǵ niǵac imuhuc waǵgic. ⁵ Waǵu buǵa suruc hiabia imi onac sugginaiguc nalé séc hemac niǵac nalé hotoǵadac méǵ ionac ac niǵac ménda bélacgéyiǵ. ⁶ Qacgina niǵénécmigic keczu ionac sugginaiguc méǵac méǵ ewa éréhéc ménda waǵanzua. Anutu imi ic ionac séwigina tanerawac ménda hémma énépésianzac. Ic qacgina kenkeǵa ieneǵ méǵac méǵ ménda méra néǵgic, ⁷ néǵ néwécǵeǵaiguc Peteronéǵ séwiac asé kiwiginaguc ionac muru buǵa suruc hiabia énézémac niǵ ai buǵa qemiyec ésécnec ni imuhucyanec ic enia ionac ai buǵa qenéǵec imi héǵteǵgicgic. ⁸ Waǵu Petro qindiǵi mima séwi hericginaguc ionac Méliméli ic oporec inéǵ mia ni momacnec qindiǵi némma ic enia ionac Méliméli ic noporec. ⁹ Waǵu ai ic tandéya ésécnec zéma niǵénécmianzu Yakobo zéma Kefa zéma Yohane ieneǵ goi héihéiya nuac muru néǵu hezac imi héǵteǵgicma ni zéma Banaba imi ic enia ionac muru kenziac eǵaoc imi séwi tasé hericheric ginaguc ionac muru kembiyé zé niǵgic hiaruyu yaizézénira zéma méranira qegic. ¹⁰ Waǵu maqeqeya ionac niǵqeli énécmiwic imuacnec sac qesinércmigic. Waǵu haka silic imuhucya imi neǵ bec seliseli wamma meanǵi.

Paulonéǵ Petero zéqeqetali wammiyec.

¹¹ Waǵu Kefanéǵ Antiokia ama areǵaiguc hayec imuaru hakasilic Képésiraguc méǵ waǵu musu qeqe wammima ac zémiyi. ¹² Walac

Yakoboac murunec ic tosara hagic ienen ménda harédacgicnec Kefanéj ic enia iniguc momacnec nene nema tarec, néj ic ienen hosucgé énécmigic séwi hericginaguc ionac bac yandi yandi wamma néngacma kejec. ¹³ Waņu Yuda ic tosara acguc toroqemima haka tilicqilicya waņgic, Banaba acguc ionac haka tilicqilic ginanéj hérémiyu sigima kejec. ¹⁴ Waņu hémba buņa suruc hi- abia imuac héna dindiņa hezac séc ménda tигic moczoņ yanda kicginaiguc Kefa* yomuhuc ézéyi; Gi imi Yuda ic, waņu kileņ Yuda ic tanec qahac, néj ic enia tanec kecma némac niņac ic enia ienen Yuda ic ionac héna méndacmu niņ seliseli wamma héihéré énécmikeczañ?

¹⁵ Neņaņ ic enia késpedesguc kekera ionac murunec qahac, néj Yuda ic hicņiyiņ. ¹⁶ Késpedes solañ zémimia imi héna ac wawaņ memeya igucnec qahac, néj Yesu Kristo ninzéņgé mimia imuacnec hezac imi ninziņ. Imuac niņ nini acguc Kristo Yesu ninzéņgéanziņ. Imi mia nini héna ac wawaņ memeya igucnec qahac, néj Kristo ninzéņgé mini késpedes solañ zénénécmimac imuac niņ mia. Héna acac wawaņ memeiguc séwi ic méņac méj késpedes solañ zémimia méj ménda hezac. ¹⁷ Neņaņ Yesu Kristoac qeriaiguc késpedes solañ zé nénécmimia wammac niņ seliseli waņkecni késpedesnéj mihicņi nénécmimaciguc, Kristonéj késpedes imuac welen qeqe ic wanzac me? Imi moczoņnec qahac! ¹⁸ Ni némac iwawai méj qema téņgéyi imi muņguc meyac ku-

* **2:14:** Kefa imi Hebiraio ac, Petero imi Girik ac, héniagira imi neņaņ aciguc žamanziņ.

mumañiguc, hakana iminéñ measariyu nenaoc héna ac logilogi ic tanec wammañ. ¹⁹ Héna acnéñ zétecgéyu humuma héna ac igucnec añgén tiamuyi imi Anutuac kic hihi wamma qeliqeli kecmañ niñac imuhuc wañi. ²⁰ Ni imi Kristoguc ic héñgeña wéndaraiguc nurugic humuyi. Imuac deguc keczua yomi imi nenaoc qahac, néñ qerinaiguc kecnénzac Kristo imi mia. Kekecna séwinaguc keczua imi goina héima nuac niñ wamma eñeya séwi kekecya waiyec Anutuac naña i ninzéhéma ninzéh ninzéh imuac qerai-guc keczua. ²¹ Ni Anutuac ewa hiaya imi ménda qetalizua. Képésic solañ wawaña imi héna ac igucnec haanzaciguc Kristonéh eñ humuyec tanec wammac.

3

Ninzéh ninzéhac héna.

¹ O Galatia ic qelaña! Yesu Kristo imi dimuhuc ic héñgeña wéndaraiguc qegic keñkecma humuyec imi dindiñanec zéasari énécmiwa nindacgic, néñ kileñ mérénéh ewa soho meénécmizac? ² Ni onac murunec haka momacguc sac qesinimmañ zé wanzua. Ini Uña Téréya imi héna ac tohoma megic me Yesu ninzéhéma megic? ³ Ini ewa soho wanzu me? Uña téréyaguc hénigic, néñ deguc Uña téréya waima séwiginawac siñiguc metecgéwiñ zé wanzu me? ⁴ Ini haka kuhaguc sasala imuhucya hicñi énécmiyu héngic imi héla qahac eñomia wanzac me? Imi hélacnec eñomia me? ⁵ Imuhuc wañu Anutu Uña téréya énécmima sugginaiguc kuc méréra mewininima kerec imi ta héna ac

tohotoho imuacnec me Yesu ninzéhégé mimia imuacnec? ⁶ Abarahamnéh Anutu ninzéhégéyu ic solañá zémimia wañec.

⁷ Imuac ic embac ninzéh ninzéh igucnecnéñ Abarahamac qelihéra wanzu imi niñasarimu.

⁸ Wañu Anutunéh ic enia ninzéh ninzéhgina niñac wamma solañá zé énécmimac imi walac niñasarima Abaraham buñá suruc hiabia imi yomuhuc ézéma zéyec; Baera baera ic embac imi guac qerigaiguc mozocgé énécmimia wammac.

⁹ Imuac ic embac ninzéh ninzéh igucnec ieneñ imi ninzéhégéma kecañec Abaraham i guc mozocgé énécmimia wammac. ¹⁰ Mérénéh méñ héna ac wawañá imuac héima nanzu séc saecac méra bawu keczu imuhuc ooyawac hezac imuac niñ héna acac ai mezu séc saecac bawaiguc keczu.

¹¹ Wañu Anutuac kiwaiguc ic méñnéñ héna ac méndacma solañanimac ac séc qahac téngéh. Imi mia ic solañanéñ ninzéh ninzéhiguc sac kecmu.

¹² Héna ac imi ninzéh ninzéh igucnec hahaya qahac, imuac ic mérénéh héna aciguc kiwi hezac imi méndacanzac inéh héna ac qeriaiguc kecmac. ¹³ Kristonéh neñañ niñac wamma saec ac zémimia wañec. Wañu héna acac saec ac igucnec mulu menéncmiyec. Imuac mia ic qahaiguc qegic nanañá séc saecac bawaiguc kekera imuhuc ooyawac hezac. ¹⁴ Imi mia Kristo Yesuac qeriaiguc Abarahamac mériañnéñ ic enia ionac muru kereñu neñañ ninzéh ninzéhiguc namma sisipac acac buñá uñá téréya nénéncmiyu añgéh tiwiñ niñac imuhuc wañec.

Héna ac zéma sisipac ac.

15 Dacmuna hécna, baec ic neñañ kecanziñ igucnec séséc mén héima zéwa. Icac sisipac ac acguc zétecgéni méñnéñ mén aumac me toro qemacac séc qahac wañanzac. 16 Wañu sisipac ac mén yomi mia Abaraham zéma qelia iorac muru zézéya wañec. Wañu sasala niñac qelihécga ménda zéma momacguc sac niñac zéma guac qeliga zéyec. Wañu imi mia Kristo. 17 Ni zézua imi yomuhuc niñac, Anutunéñ walac zéseliyec sisipac ac yomi imi mia Moseac héna ac yawuñ 430 tecgéyuguc hicñiyec iminéñ qeyu kemma héla qahac wammacac séc qahac. 18 Mératéc imi héna ac igucnec hayeciguc sisipac ac igucnec hahaya qahac, néñ Anutuac sisipac ac niñac wamma Abaraham ewa hiawac eñ miyec. 19 Imuhuc wañu bec héna ac imi némac niñac nénécmiyec me? Imi mia ac qeque niñac toroqe nénécmiyec. Imi mia kua meme uñanéñ ic suc Moseac méria igucnec nénécmiyec. Wañu hekeru sisipac acac buña Abarahamac qelianéñ hayu aiya tecgémacac heyec. 20 Ic momacguc sac keru ic suc imi aiya qahac. Wañu nécwécgeñaguc Anutu imi momacguc imuac mia Moseac ic suc zézua.

*Welenqege ichéra me
nambérac héra?*

21 Wañu héna ac iminéñ Anutuac sisipac ac imi qéfacgézac me? Imuhuc wammacac séc qahac. Wañu héna ac kekec hémbénaña nénécmimac séc imuhucya nénécmiyeciguc solaña zémimia imi héna ac igucnec hawacnec, 22 Yesu Kristo ninzégégic énécmimanñ zéma zikiziki ac meyec imuac héla imi ninzén ninzén ic onac énécmimanñ

zé hína acac kiwi téréyanéñ momac yanda kápésic bawaiguc qaté énécmiyec.

²³ Becnec ninzén ninzén imi ménda hayec imuaru nini hína acac méra bawu qaté nénécmiyu kerin. Qaté nénécmiyunec kecni ninzén ninzén mewinini nénécmimiawac naléya hayec. ²⁴ Nalé imuac suraiguc hína ac iminéñ neñañ ninzén ninzénñina niñac solaña zénénécmimia wammac niñac Kristoac muru keñkeñawac mindi mindiñi icnina éséc wamma kerec. ²⁵ Deguc ninzén ninzénñac héla hayu mindi mindiñi icnina hína ac imuac méra bawu ménda kecanziñ.

²⁶ Ini moczoñ yanda ninzén ninzénñina niñac Yesu Kristoac qeriaiguc Anutuac nañhéra wamma keczu. ²⁷ Némac niñ méñnéñ méñ Kristoac muru toroqema doku naec énécmimia wañec séc Kristo imi owo malekugina ésécnec héigic meénécmiyu keczu. ²⁸ Wañu ini imi Yuda ic me, Girik ic me, hésa ic me, miñ mañgoc kekera me, welen qe qe ic me, ic me embac moczoñ Kristo Yesuac qeriaiguc momacguc wanzu. ²⁹ Ini Kristoac buña keczuiguc imi ini Abarahamac qelihéra wanzu. Wañu sisipac aciguc namma ini mératéc imuac miñina wanzu.

4

¹ Wañu mératéc miñinanéñ iwawai moczoñ imuac miñina wanzac, néñ nambérac kecmac imuac suraiguc imi welen qe qe icac sécyá ménda ogicmac. ² Wañu mañgocyanéñ naléya zéyec séc mindi mindiñi ic me ai ic kiwawac méra bawu

kecanzac. ³ Imuac neñañ acguc imuhuyanec, nambérac kerij nalé imuaru baecac héna tosia mamaya imuac welenj qeçe ic kerij. ⁴ Wañu nalé imi hahéiyu Anutunéñ naña méli nénécmiyu embacac héri qeri igucnec zéma héna acac méra bawu hicñiyec. ⁵ Imi mia héna acac méra bawu keczu nini boñhéré menénécmima Anutuac nañhéra imuac buña nénécmiyu aņgétiwij niñac imuhuc wañec. ⁶ Ini Anutuac nambérac wanžu imuac niñac Anutunéñ eñeya nañawac uña imi ewa qerininaiguc méli nénécmiyu Anutuac Aba mañgoc zéma qacanzij. ⁷ Imuac gi degucmuacnec welenj qeçe ic qahac, néñ naña kecanzañ. Wañu naña keczañiguc Anutuac murunec mératéc mema imuac miñina wamma keczañ.

Paulonéñ Galatia ic ionac niñac goro ac énézéyec.

⁸ Ini bec imuaru imi Anutu ménda niñasarima iwawai Anutu héla qahac imuac welenj qeçegina kecgic. ⁹ Wañu deguc imi ini Anutu nimizu, wañu imuacnec toroqema Anutunéñ ini niñénécmianzac. Wañu dimuhuc niñac niniñ eñomia mamaya* baecac niniñ efesia imuac liliñgéma muñguc imuac ziki sipac ichéra kecbij zé wanžu? ¹⁰ Ini ai meme nalé zéma maso zéma kendoñ yanda zéma yawuñ imi eeya héima kecanzu. ¹¹ Imuac ni onac niñac ai seliseli wamma

* **4:9:** Ic onac kekecginanéñ uña ionac méra bawu hezac zéma niñzégégic, wañu imuac hénia imi ménni sikiluac kic taneraiguc hezac zéma imuac nimbij zé wañgic.

meyi imi héla qahac wambac niḡac bac yandi yandi wanzua.

¹² Dacmuna hécna ni onac séc wamma kecanzua imuac welec énécmima zézua, ini nuac séc wamma kecmu. Ini kecma hama haka biria ménḡ ménda waḡ néḡgic. ¹³ Ni hénihéniaiguc imi hafi zepananéḡ waḡu onacmuru hama buḡa suruc hiabia zéauénécmiyi imi ini ninzu. ¹⁴ Nuac niḡgic réwérimacac séc imuhucyanéḡ séwinaiguc heyec, néḡ mema titi ménda waḡ némma ni ménda wainéḡgic, néḡ Anutuac kua meme uḡa me Kristo Yesuac séciguc niḡnémma héihéré néḡgic. ¹⁵ Waḡu deguc ségiségigina imi dimia kendaczac? Ni héipuc ac héla énézéwa niḡgic. Nalé imuhucḡeḡ imi wawaḡawac séc wambacnec kic gomacgina acguc hia néfindiḡgéma némbuac séc waḡgic. ¹⁶ Waḡu deguc imi ackuazéc héla énézéwa nuac niḡgic hazécgina wanzua me? ¹⁷ Ic imuhuya imi eneḡ onac niḡ wamma seliseli wanzu imi hénia hiabiawac qahac, néḡ wéségina misigic tosara andé unuma kemma ionac muru qékétama niḡhumu énécmimu niḡac imuhuc waḡ énécmima keczu. ¹⁸ Haka hiabiawac qeri siḡginanéḡ wawaḡa imi ni iniguc kecanzua nalé imuac sac qahac, néḡ nalé séc hiabia wanzac. ¹⁹ Nambérac hécna ni onac niḡac wamma merac memeya ésécnec azi niyu qenzeḡ manzeḡ qemanec kecba ewa qeriginaiguc Kristoac kekec tanera imi hicḡi tegiruguc waimaḡ. ²⁰ Ni onac niḡac aurima sicsaoc wanzua. Imuac nalé yomuaru focdac hama iniguc kecma ewana melemma bénzéhneḡ ac énézémaḡ niḡ waḡ néḡu keczu.

Haga zéma Sara.

²¹ Nézégic nimba, héna acac méra bawu kecbiñ zé ninzu ini héna ac imi ménda niñtegiczu me? ²² Yomuhuc mia ogic hezac; Abaraham imi nañ hérera éréhéc keroc. Ménj imi embac sisipac acyaguc iwac murunec ménj imi embac sisipac acya qahac iwac murunec. ²³ Welenj qeçe embac iwac murunec imi séwi busu igucnec hicñihicñiya, néñ embac miñina iwac murunec imi sisipac ac qelia igucnec hicñihicñiya wanzac. ²⁴ Ac yomi séséc ac wanzac. Embac éréhéc imi sisipac ac éréhéc, ménj imi Sinai baec boña imuaru welenj qeçe ic mihicñiyec Haga imi mia. ²⁵ Haga imi Sinai baec boña Arabiaiguc nanaña, Yerusalem deguc hezac imuac sésécya. Inénj eneya nambérac héra iniguc welenj qeçe ic wamma keczu. ²⁶ Wañu Yerusalem ménj kurumenjiguc hezac imi ziki sipacya qahac hezac. Iminénj mia nenjocnina wanzac. ²⁷ Imuac mia yomuhuc ogic hezac; Embac euya qahac iwac qelihéranénj embac euyaguc iwac nambérac héra ionac zañgégina ogiczac. Imuac niñac, o embac héfiña gi ségiségi wambésémañ! Azi ménda gianzac gi kucnec qacna! ²⁸ Dacmuna hécna, ini Isaka ésécnec sisipac ac imuac nambérac héra wanzu. ²⁹ Wañu nalé imuaru merac séwi igucnec hicñiyec inénj merac uña téréya igucnec hicñiyec imi qenesi wammiyec séc deguc acguc imuhucyanec. ³⁰ Wañu kiwi téréyanénj dimuhuc zézac? Welenj qeçe embac zéma naña nesi érécmína kenjic. Némac niñ welenj qeçe embac iwac nañanénj embac ziki sipacya qa-

hac iwac nanaguc momacnec mératéc ménda memaoc zéyec? ³¹ Imuac dacmuna hécna, neñañ imi welenj qeçe embac iwac nambérac héra qahac, néñ embac miñina iwac merachéra wamma kecziñ.

5

*Kristonéñ ziki sipac igucnec
hulac nénécmiyec.*

¹ Zikisipacnina qahac kecbiñ niñac ziki sipac igucnec hulac nénécmiyec. Imuac niñac nanşelima ziki sipacguc kekecac tej hésaya imi muñguc ménda bisiwésémañ.

² Ninzu? Paulo neñ mia énézézua, ini séwi tasé hericheric meénéc mimuiguc imi Kristo imi onac muru eñomia wammac. ³ Muñguc zéauma énézéwa, ic mérénéñ séwi tasé hericheric memimia wammaciguc inéñ héna ac moczoñ wamma medacmac ac hezac. ⁴ Héna ac qeriaiguc ic solañja zéénécmimac niñac wanzu ini Kristoguc toro qeçeya imi tegicma goi héihéi igucnec metecgé énécmimia wanzac. ⁵ Neñañ imi uña téréyanéñ nanjé nénécmiyu ninzénj ninzénjiguc solañ dindiña zénénécmiyu nimbiñ zé niñkumuma mambécanziñ. ⁶ Kristo Yesuac qeriaiguc imi séwi tasé heric herira zéma ménda hericherira imi aigira qahac, néñ imuaru imi Anutuac siñ qeriaiguc ai meanzac ninzénj ninzénj imi sac hezac.

⁷ Ini usuñnec hiabianec keñangic, néñ mérénéñ ackuazéc héla imi ménda tohomu niñac héric énécmiyec? ⁸ Zéhinoc ac imuhucya imi unuruma héihéré énécmiyec Anutu iwac murunec ménda

hicñiyec. ⁹ Ninzu, yis komoranéñ saima uha dokuyaguc imi moczoñ sécgéanzac. ¹⁰ Eneñ niniñ tosara ménda angettímu imi Miñ Kewuninawac qeriaiguc ninzéngezua. Wañu ic mérénéñ méñ ewa soho mihicñi énécmimac imi kitiwa memac. ¹¹ Dacmuna hécná, ni séwi tasé hericheric imuac hénia zéau énécmima kecbinec hénia némac niñac nuhéi wambunec? Imuhuc wambinec ic héñgeña wéndara imi aunénéña wañu iminéñ hénana ménda kizicgéwacnec. ¹² Ic mérénéñ méñ yéwéri imuhucya mihicñi énécmima keczu imi eneñ séwiya sac qahac, néñ gocmiagina momacnec moczoñ héricdacma kecmu niñac wanzua.

¹³ Dacmuna hécná ini ziki sipac qahac kecmu niñ unuruyec. Néñ ziki sipac qahac kekecnéñ usugina wañ énécmiyu séwíac siñgina tohomu niñ nalé titiña ménda mihicñi énécmimac, néñ goi héihéiiguc welen qeamuma kecmu. ¹⁴ Imuac mia geñga goiga héi amuanzañ séc imuhucyanec alagawac goiya héimibésémañ zézéya momacguc yominéñ mia héná ac moczoñ mesolañanizac. ¹⁵ Ini mia eñawunec kuanéñ injima qécgéamuma qahac wambu niñac goro ac énézézua.

Anutuac Uña zéma séwininawac siñ.

¹⁶ Wañu mia yomuhuc zézua; Ini Uña téréyawac méndacmima hakagina wammu. Imuhuc wañgic séwiginawac siñsiñ imi ménda seligimac. ¹⁷ Séwíac siñsiñ iminéñ Uña Téréya qetalimianzac. Wañu imuhucyanec uña téréyawac siñsiñ iminéñ séwíac siñsiñ qetalimianzac. Imuac siñsiñ éréhécnéñ hazéc wañamuma euyic haka méñ wambin zé ninzu imi wammuc séc qahac

wananzac. ¹⁸ Uña téréyanéñ hénagina walac andu wanj énécmimac imi ini hena acac méra bawu ménda kecmu. ¹⁹ Séwias haka silic imi usuya qahac hémma nindaczin. Imi mia kaisero, ninin zapi qeqeya, haka gamu qeqeya, ²⁰ baniara mepé qepési, suña zinac, hazéc hazéc kekec, danpero ac, nimbupuc biria, qeri bélan, tualefic, féngéc, téamuma kekec, ackuazéc ikorawac téamuma kekec ²¹ wanna wamba, doku selia nene, nezéléléñ, zéma haka imuhucya tosara mia. Becnec zéseli énécmiyi imuac séc zéseli énécmizua. Haka imuhucya wammu imi eneñ Anutuac héngalen ama areña yanda imi mératéc ménda memuac hezac.

²² Wanu uña téréyawac héla gocmia imi mia yomuhuc. Goi héihéi, ségiségi, luae, qeri bénzén, ala kekec, ehéihéi, ménzézé ménzéya qahac, ²³ gum bénzénzén, qerinéñ sigisigi kekec, haka imuhucyawac imi hena ac ménnéñ mén neuñ ménda héianzac. ²⁴ Kristo Yesuac ic embachéra imi eneñ séwigina zéma imuac siñsiñ imi ic héngena wéndaraiguc qedacgic. ²⁵ Neñañ uña téréyaguc kecziñiguc uña téréyaguc qéhéréngéma tacyac wambiñ. ²⁶ Edamu asaha enjomawac ménda wamma enacnec nimbupuc biria ménda wamma qeri netunetu ménda wanjamumu.

6

Baocgé amuma kecmu.

¹ Dacmuna hécna ic ménnéñ bélacgéma kápésic mén wanu wininju hicñiyu ic téréya ini qerigina gum bénzénzén anec mindinji mima enañ

hakagina acguc niñgési amuma eñañ acguc manam batuciguc embu niñac wamma bac yandi yandi wamma kecmu. ² Réwérigina imi wagic amuma bisimu. Imuhuc wamma Kristoac héna ac niñtohodacmu. ³ Ic méñnéñ eñomia kecma eñeyawac niñu tosara onogicma eñeña wañu ic imi ikoc wañamuzac. ⁴ Icyá icya eñeya wawañ memeya héñgaleñ wañamumac. Imuhuc wañu zézé ségiségi ac imi tosara ionac muru qahac, néñ eñeya wawañ memeyaiguc sac hemimac. ⁵ Eñeya réwéria imi eñeyaoc bisimac. ⁶ Ic méñ ackuazéc kumimia wamma niniñ niñareñ géanzac inéñ iwac iwawaiya hiabia moczoñ ic kumianzac imiguc momacnec amunec qamunec wammaoc. ⁷ Ic méñnéñ iwawai méñ himicmac imi héla imuacnec sac metocgéanzac. Imuac niñac ini eñaoc ikoc ménda wañamumu. Anutu imi ménda zédesi wammimia. ⁸ Eñeya séwíac niñ wamma himicanzac imi séwíya igucnec iwawai hou houyawac metocgémac, néñ uña téréyawac niñac wamma himicanzac inéñ uña téréyawac murunec kekec seli metocgémac. ⁹ Neñañ haka hiabia wamma kuc mama ménda wambiñ. Kuc mama qahac kecbiñiguc naléya ducñiyu héla gocmia metocgé wambiñ. ¹⁰ Imuac nini nalé he nénécmimac imuac séc ic embac moczoñ wawañ meme hiabia wañ énécmiwiñ. Imuhuc wamma ninzéñ ninzéñac héna gésé ionac imi séc méñ nétéréma imuhuc wañ énécmiwiñ.

Goro ac tetecgia.

¹¹ Héñgic yomi mérananéñ kiwi imi kuney kuney o énécmizua. ¹² Ic tosara séwiiguc kiwi hi-

abia mewiñ zé wanzu imi enej hinocgé énécmima séwi tasé hericheric meénécmianzu imi Kristoac ic héngença wéndaraya niñac wamma unnesi ménda mihicñiwñ zéma imuhuc wañanzu. ¹³ Wañu séwi tasé hericheric meénécmimia imi enej acguc eñac siñginanéñ héna ac ménda tohoma ini séwi tasé hericheric memu niñ zéanzu imi séwi tasé hericheric ic zañgégina olomma séwi eñej wambñ zé imuhuc wañanzu. ¹⁴ Wañu nuac muru imi Yesu Kristoac ic héngença wéndara imi qahac wañu, méñac méñ zézé ségiségi ac wammañac méñ ménda henénzac. Kristoac niñ wamma baec imi nuac muru ic héngença wéndaraiguc humuyu ni acguc baecac muru humuyi. ¹⁵ Séwi tasé heric herira zéma ménda hericherira imi moczoñ eñomia, néñ kekec qelia meme imi sac eeyaguc wanzac. ¹⁶ Haka silic yomi tohomu onac muru zéma Anutuac Israel ic onac muru luae zéma goi héihéianéñ he énécmimac.

¹⁷ Degucmuacnec méñnéñ méñ réwéri méñ ménda mihicñi némmu. Ni imi séwinaiguc Yesuac lépéc kiwiya heyu késa keczua.

¹⁸ Dacmuna hécna Miñ Kewunina Yesu Kristoac ewa hianéñ onac ewa qeriginaiguc hema kecmac. Hélacnec!

SISIPAC AC QELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 21 Feb 2024 from source files dated 31 Aug 2023

0403b50f-078d-52e2-a203-056e8a430665